

Ո Ր Ո Շ ՈՒ Մ N 1318/1
/վարչական տույժ նշանակելու մասին/

«26» մայիս 2023թ.

ք. Երևան

Հայաստանի Հանրապետության պետական եկամուտների կոմիտեի Երևանի մաքսային սպասարկման կենտրոն-մաքսատուն, վարչության պետի տեղակալ Աղասի Աղսյանս, քննելով «Ագրոինփուտ» ՍՊ ընկերության (ՀՎՀՀ՝ 00076049) տնօրեն Գայանե Արմենի Դավթյանի (անձը հաստ. փաստ.՝ 008515959, հասցե՝ ք. Երևան Մայիսյան փ. 22 շ., 4 բն.) առնչությամբ սկսված մաքսային կանոնների խախտման վերաբերյալ գործը,

Պ Ա Ր Զ Ե Ց Ի

«Ագրոինփուտ» ՍՊ ընկերությունը 05100022/080123/0001126 տարանցման հայտարարագրով Բավրայի մաքսային կետ-բաժին անցակետով ՀՀ տարածք է ներմուծել 10,842.181 կգ ապրանքներ, որոնք 09.01.2023 թվականին հանձնվել է մաքսային մարմինների ժամանակավոր պահպանությանը, սակայն մինչև ժամանակավոր պահպանության ժամկետի լրանալը ապրանքների վերաբերյալ մաքսային հայտարարագիրը մաքսային մարմնին չի ներկայացվել:

ՀՀ ՊԵԿ Երևանի մաքսային սպասարկման կենտրոն-մաքսատուն, վարչության բացառիկ բաժնի ավագ մաքսային տեսուչի կողմից «Ագրոինփուտ» ՍՊ ընկերության տնօրեն Գայանե Արմենի Դավթյանի նկատմամբ կազմվել է մաքսային կանոնների խախտման վերաբերյալ արձանագրություն մաքսային կարգավորման մասին ՀՀ օրենքի 304-րդ հոդվածի հատկանիշներով, որը ուղարկվել է նրան, ինչպես նաև տեղեկացվել է նշանակված գործի քննության և իր իրավունքների մասին: Մաքսային կանոնների խախտման վերաբերյալ գործի քննությանը պատասխանատվության ենթարկվող անձ՝ Գայանե Արմենի Դավթյանը բացակայել է:

ՀՀ մաքսային կարգավորման օրենքի 332 հոդվածի համաձայն մաքսային կանոնների խախտումների վերաբերյալ գործը քննվում է պատասխանատվության ենթարկվող անձի մասնակցությամբ կամ Վարչական իրավախախտումների վերաբերյալ Հայաստանի Հանրապետության օրենսգրքի 267-րդ հոդվածով սահմանված դեպքերում՝ տվյալ անձի բացակայությամբ: Մաքսային կանոնների խախտումների վերաբերյալ գործը կարող է քննվել սույն հոդվածի 1-ին մասում նշված անձի բացակայության դեպքում, եթե անձը բացակայում է, և հայտնի չէ նրա գտնվելու վայրը, կամ եթե նա գտնվում է Հայաստանի Հանրապետության պետական սահմաններից դուրս:

ԵԱՏՄ մաքսային օրենսգրքի 101-րդ հոդվածի 1-ին մասի համաձայն՝ ապրանքների ժամանակավոր պահպանման ժամկետը հաշվարկվում է ապրանքները ժամանակավոր պահպանման հանձնելու համար ներկայացված փաստաթղթերը մաքսային մարմնի կողմից գրանցվելու օրվան հաջորդող օրվանից և կազմում է 4 ամիս՝ բացառությամբ սույն Օրենսգրքի սույն հոդվածի 2-րդ կետում և 259-րդ հոդվածում նշված դեպքերի:

Նույն օրենսգրքի 110-րդ հոդվածի 1-ին մասի համաձայն՝ միության մաքսային տարածք ներմուծվող ապրանքների մասին մաքսային հայտարարագիրը ներկայացվում է մինչև ապրանքների ժամանակավոր պահպանման ժամկետի լրանալը կամ սույն Օրենսգրքով սահմանված այլ ժամկետում:

Մաքսային կարգավորման մասին օրենքի 301-րդ հոդվածի 1-ին մասի համաձայն՝ մաքսային կանոնների խախտում է համարվում անձի կատարած անօրինական գործողությունը կամ անգործությունը, որն ուղղված է Հայաստանի Հանրապետության մաքսային օրենսդրությամբ և մաքսային ոլորտին առնչվող Հայաստանի Հանրապետության

միջազգային պայմանագրերով Հայաստանի Հանրապետության պետական սահմանով տեղափոխվող ապրանքների և տրանսպորտային միջոցների մաքսային հսկողության և մաքսային ձևակերպման սահմանված կարգի դեմ, և որի համար սույն օրենքով նախատեսված է պատասխանատվություն:

Նույն հոդվածի 2-րդ մասի համաձայն՝ ֆիզիկական և պաշտոնատար անձինք մաքսային կանոնները դիտավորյալ կամ անզգուշորեն խախտելու համար ենթակա են պատասխանատվության:

Մաքսային կարգավորման մասին ՀՀ օրենքի 304-րդ հոդվածի համաձայն՝ սահմանված ժամկետում մաքսային մարմիններ Միության մաքսային օրենսգրքով կամ սույն օրենքով սահմանված մաքսային հայտարարագրերը կամ պարտադիր ներկայացման ենթակա այլ մաքսային փաստաթղթերը չներկայացնելը՝ առաջացնում է տուգանք՝ ֆիզիկական անձանց համար՝ երեսուն հազար դրամի, իսկ պաշտոնատար անձանց համար՝ հիսուն հազար դրամի չափով:

Այսպիսով, «Ագրոինփուտ» ՍՊ ընկերության տնօրեն Գայանե Արմենի Դավթյանի անօրոժությունը անօրինական է՝ ուղղված մաքսային ձևակերպման սահմանված կարգի դեմ ինչի համար մաքսային կարգավորման մասին ՀՀ օրենքի 304-րդ հոդվածով սահմանված է պատասխանատվություն:

Ելնելով վերոգրյալից և ղեկավարվելով, մաքսային կարգավորման մասին ՀՀ օրենքի 304-րդ հոդվածով, 301-րդ հոդվածով, 332-րդ հոդվածով, 334-րդ հոդվածի 1-ին կետի 1-ին ենթակետով և ՎԻՎ ՀՀ օրենսգրքի 234 հոդվածով՝

Ո Ր Ո Շ Ե Ց Ի

1. Մաքսային կարգավորման մասին ՀՀ օրենքի 304-րդ հոդվածով նախատեսված մաքսային կանոնների խախտում կատարելու համար «Ագրոինփուտ» ՍՊ ընկերության տնօրեն Գայանե Արմենի Դավթյանի նկատմամբ նշանակել **տուգանք՝ 50.000 ՀՀ դրամի** չափով:

2. Դրոշման պատճենը հանձնել կամ ուղարկել «Ագրոինփուտ» ՍՊ ընկերության տնօրեն Գայանե Արմենի Դավթյանին՝ պարզաբանելով, որ մաքսային կարգավորման մասին ՀՀ օրենքի 334-րդ հոդվածի 2-րդ կետով որոշումն ուժի մեջ է մտնում այն կայացնելու պահից և 4-րդ մասի համաձայն վարչական տույժ նշանակելու մասին մաքսային մարմինների որոշումը կարող է բողոքարկվել «Մաքսային ծառայության մասին» օրենքի 37-րդ հոդվածով սահմանված կարգով՝ մաքսային մարմնի բողոքարկման հանձնաժողով, այն ուժի մեջ մտնելու օրվանից երկու ամսվա ընթացքում կամ դատական կարգով:

3. Որոշմամբ նշանակված տուգանքի վճարման հաշվեհամարն է՝ **900005024055-ը** (ՀՀ պետական բյուջե, կենտրոնական գանձապետարան, Երևանի մաքսային սպասարկման կենտրոն-մաքսատուն, վարչության, **ԿՈԴ 27**):

ԵՐԵՎԱՆԻ ՄԱՔՍԱՅԻՆ ՍՊԱՍԱՐԿՄԱՆ ԿԵՆՏՐՈՆ-
ՄԱՔՍԱՏՈՒՆ, ՎԱՐՉՈՒԹՅԱՆ ՊԵՏԻ ՏԵՂԱԿԱԼ

ԱՂԱՍԻ ԱՂԱՅԱՆ